

Godin Akam Inigha Izir Gumazim Obadian Akınafarim O Obadia Akar faragha zuim

Godin akam inigha izir gumazim
 Obadia dughiar Babilonia iza Jerusalem
 gasighasighizimin gin uan akamin gun
 migei. Fomira Idomia Israelian apanim
 gami, egha dughiar Babilonia iza Jerusalemia
 gasighasighizimin, Idomia bar akonge, egha
 Babylonian akuragha paza Israelia gami.
 Kamaghin amizi, Obadia kamaghin Godin otivir
 akabar gun migia ghaze, God bar pazivira Idomia
 damigham. Kantri Idom ko, kantrin igharaziba
 Israeli an apanim gamiziba, me bar ovegham.

**Idomian gumazamiziba arazir
kuram gamizima, God men arazir
kuram ikara**

*Idomian arazir kuram bangin, God ivedir kuram
me daningam*

¹ Ikiavira Itir Godin Ekiam akar kaba isa Obadia
 ganingi, God arazitam Idomia damuamin akaba.

1:1: Aisaia 34:5-17; 63:1-6; Jeremaia 49:7-22; Esekiel 25:12-14;
 35:1-15; Amos 1:11-12; Malakai 1:2-5

Ikiavira Itir God akam inigha izir gumazir mam
amadazima, a kantriba bar adar ghu.

Ezi e an akam baregha gifa.

A kamaghin migia ghaze,

“Ia uarira uarir ariragh, egh dikavigh e mangi
Idomia misogham.”

² Ezi Ekiam kamaghin Idomia migei:

“Ki ian gavgaviba abighti,
kantrin igharazibar gavgaviba ian gavgav-
ibagh afiraghram.

Egħti gumazamiziba bar ian aghuagh dibovir ak-
abar ia mikkim,

egħi akirrim ragħi ia gasaraghram.

³ Ia uari fer nighnizimra ia gifari.

Dagħiar gavgavir ekiaba ian nguibar ekiam,
divazim min anevinizima,
ia mighsiāmin bar pın mar iti.

Ezi ia kamaghin migia ghaze,

‘Tina e gekuigh izighiramin gavgavim iti?
Bar puvati.’

⁴ Ezi ki God, ki ia migei,

‘Ta kuarazir isabar min migha bar pın ghua-
vanaga,
egħha uan dipeniba bar pın mikkovezibar
tongiñ dar ingari,
ezi ki ia gekuighthi ia bar izighiregham.’”

⁵ Egha Ekiam ghaze:

“Okimakiar gumaziba dīmagaribar iza, egha bizir
ifongeziba isa
egħha bizir me ifongezir puvatiziba ataghixi.

Ez̄i gumaziba wainin azenimin iza wainin oviziba
isa,
egha igharaziba ataghiraži da iti.

Ez̄i ia, ian apaniba guizbangira bar ia
agivagham.

⁶ Ez̄i ia Idomia, ia Ison ovaviba,
apaniba guizbangira ian bizir aghuir mon-
geghav itiba okemegh,
bar ada inigh mangigham.

⁷ Eghti kantrin ia ko uari isa bizibagh amiba, me ia
gifaram.

Me ia batuegħima, ia uan kantrin ategħ
mangam.

Eghti kantrin deragħa ia ko apiav itiba,
me mīdorozim ia ko a damuva ia
abinam.

Eghti ian namakar aghuir ia koma apiba,
me itarim giragh asizibar suizir azuazim in
min ia bagħ aneguragħti a ian suiragħam,
egħi me suam, ‘Idomian fofozim man-
agh iti.’”

⁸ Ez̄i Ikiavira Itir God ua ghaze:

“Ki ia gasighasighamin dughiam, ki Idomian fo-
fozir gumazibagh asighasigham,
egħi mighsiabar pin itir Ison ovavibar fofozir
aghuija itir gumaziba,
ki me da bar da batuegham.

⁹ Ia Temanin nguibamin gumazir mīdorozir fo-
fozim itiba, ia bar atiatigham.

Eghti mighsiabar pin itir Ison ovaviba,
ki bar me misuegħti me arim ġi regħam.”

Idomian arazir kuramin, me osimtizir bar dafam ini

10 Ikiavira Itir God ua kamaghin migei:
 “Ia Idomia, ia uan aveghbuaba, me Jekopin ovavir
 boriba,*
 ia me misoghezi me ariaghire.
 Kamaghin amizi, ki bar ia gasighasigh ian ziabar
 amighti,
 da magiregħti ia aghumsigham.

11 Dugħiar kamin Judan apaniba Jerusalemin
 divazim iñti akaba akari,
 egha Judabar dagħaba ko bizir aghuiba oke-
 megħha,
 uan nguibam iñni arazim iñni ikarara da
 tuisigha uari ganid.

Ezzi ia pura tuivighav ikia, egha Judabar akurazir
 puvati.
 Kamaghin amizi, ia uaghan okimakiar gu-
 mazir kabar minn iti.

12-14 Egha arazir avirir ia Judabagh amiziba da
 derazir puvati, kar ian aveghbuaba.

Me osimtizim isir dughiam iñni, ia bar akuegha
 naviba ian dera.
 Me osimtizim isir dughiam iñni,
 ia me dipova me abiri.

Me osimtizim isir dughiam iñni, nan gumazamiziba
 bar ikuviz iż-
 ia men nguibar ekiabar aven ghua men
 osimtizir kaba bagħha bar akuegha,
 men bizir aghuariba ini.

* **1:10:** Jekop ko Iso afeziar vamira iti. Ezzi Israel ko Juda kar
 Jekopin ovavir boriba. Ezzi Idomia, kar Ison ovavir boriba.

Me osimtizim isir dughiamin, Ia tuavir akabar
tuivighav ikia Judaba bagha gari,
me ariti ia men suigh me isi men apanibar
aningga.

Arazir ia amir kaba, da bar derazir pu-
vatii.”

*God bizarum gumazamizibar amighti me
fogham*

¹⁵ Ikiavira Itir God ua kamaghin migei:
“Ikiavira Itir God Izamin Dughiar Ekiam, a roghira
izegha gifa.

Kar dughiar ki kantriba bar men gumazamiz-
ibar araziba tuisighamim.

Ia Idomia amizir arazir kuraba, ki dar ia damuam.
Osimitzir ia iniamim, kar arazir kurar ia
amizibar iveau.”

¹⁶ Egha Ikiavira Itir God Judan gumazamizibav
gei:

“Ia nan Dipenimin itir mighsiamin ikia, misozir
dipam ame.

Kamaghira, ki kantriba bar men gumazamiz-
iba fofozim me daningga,

mati ki dipar misozim me ganangi.

Egħi me bar mogħira me agħivagħam.”

Israelia midorozim damu apaniba abiragħam

¹⁷ Egha Ikiavira Itir God ua kamaghin migħiä ghaze:
“Gumazamizir Saionin Mighsiamin itiba, me iku-
vighan kogħam,

egħi Saionin Mighsiam Nan Nguibamin min
zuegh ikiam.

Egħi Jekopin ovavir boriba,

ki me ganıngizir nguazir kam, me uam a
iniam.

18 Egh Jekopin ovavir boriba, me avimin min
otivigham.

Guizbangira, Josepin ovavir boriba, me avir
mizariamin min otivigham,

egh Ison ovavir boriba avim dadam
girigha an isi moghin men isigham.

Eghti Ison ovavir boritam ua ikian kogham.

Ki Ikiavira Itir God, ki mikemegha gifa.”

19 Ikiavira Itir God Israel migia ghaze:

“Gumazamizir Negevin Distrighin aven itir
nguibabar itiba,

me Ison ovavir boribar mighsaba inigh dar
ikiam.

Eghti ian gumazamizir mighsiar
muziaribar itiba, me Filistian nguaziba
iniam.

Eghti Israelin igharaz darazi Efraimin nguazim ko
Samaria nguazim iniam,

eghti Benjaminin adarazi Jordanin Fanem
girigh,

vongin aruem anadi naghin Gileatin dan-
ganim iniam.

20 Israelin notin itir midorozir gumaziba, me
faragha kantrin igharazimin kalabusin
ikezima,

men kalabuziam givazima me ua ize.

Gumazir kaba mangi Fonisian nguazim inigh,
mangi notin amadaghan Sarefatin nguibamin
tugham.

Ezi Jerusalem'in itir midorozir gumazir kalabusin
ikegha uamategha izeziba,
me Sarefatin nguibamin ikia, Negevin Dis-
trighin aven itir nguibaba iniam.

21 Eghti midorozim gamua apaniba abiniziba,
me Saion'in Mighsiam'in ghuavanangam.
Kamaghin amizi, me Ison ovavir boribar
mighsiabagh ativagh dar ganam.
Eghti ki Ikiavira Itir God, ki uabi atrivim'in ikiam.”

1:21: Onger Akaba 22:28; 47:9; 66:4; Daniel 2:44; Sekaraia 14:9;
14:16; Malakai 1:14; Akar Mogomem 11:15

**Godin Eghaghanim: Akar Gavgavir Dikirizir
Ghurim ko Igiam
The Holy Bible in the Aruamu language of Madang
Province, Papua New Guinea, 2020 Edition
Buk Baibel long tokples Aruamu long Madang Provins
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

8f6beb37-6783-55d5-91ed-8321cc3f5eea